

Berlin, di 20. Juli 1993 de

Kongirê Yazdehemînî Partîya Demokratî Kurdistanî Iraqê

Di Şanzdehê Meha Awgostê de dê Kongirê Yazdehemînî Partîya me bête girtin. Ev Kongirê Pîroz di demeke Mêjûyîyî giring de di tevaya jîna Xebata Welatê me de ji bona Rizgarkirinê û Serxwebûnê tête girtin.

Welatê me di Kurdistanî Jêrîn de ji Bindestîyê û Koletîyê bi saya serê Xebata Miletê me û herwehaji bi piştgirtina Dewletên Hevalbend hate rizgarkirin. Helbijartinên Demokrasi, Pêkanîna Dêhilatîyeke Milî û Dazanîna Dewleta Fêderalîyî–Hêvgirtî di Sala çûyîn de di nava Welatê me de hatin dîtin. Dilşadî û bextiyarî di seranserî Kurdistanê de hate lidarxistin. Xewin û hêviya bi Hezaran Sedhezaran ji Gorîvanên Rêya Azadîya me di van bidestketinên me de hatin bicîhatin.

Partîya me, Partîya Demokratî Kurdistanî di bin Rêberîya Leheng û Qehremanê Miletê me Berzanî de bi roleke giran, giring, gernas û mêrxas ji bona vê roja pêroz pêhate rabûn. Wê li ser Sîyaseteke rast, nerim û livandî de bi Armaneke diyar li ser qazanc û berjewendîya Netewê Kurd tevaya xebata xweyî xwînavî ji 16. Awgosta Sala 1946 tanî Iro dide avakirin. Wê Şûreşa Ilolê di Sala 1961 date vexistin. Wê Peymana 11 Avdara Sala 1970 date girêdan. Wê ji nû ve careke din Şûreşa Gulana pîroz di Sala 1976 de date dadan. Belê Destekî balayî Partîya me ji bona Pêkanîna Berê Neştîmanî Kurdistan, herwehaji ji bona parastina van bidestketinên me û xurtbûna Dewleta meyî Hêvgirtî, berzbûna Ala Demokrasiyê di nava Welatê me de û berzbûna nav û nîşana Kurd li seranserî Dunyayê de hebû. Di vê siyaseta pîrozî biserketî de Serokê Partîya meyî xweşevist Mesûd Berzanî rolek pir giring û bi rûmet date listin. Bi saya Siyaseta wîyî liserxwe û welatperwer Yekitîya Miletê me li Kurdistanî Jêrîn de hate parastin. Bi saya vê Siyaseta Mesûdî dûrbîn em îro bi vê qonaxa pîroz di Mêjûwa xwe de hatin gihaştin, ku pê Partîya me û herwehaji tevaya Netewê Kurdî Perçekirî pêtête serbilindkirin û bextiyarkirin.

Di vî Kongirê me de wê pir bête axivtin. Azadîya Remanê û Demokrasi kirina Xebatê dê di nava Kongirê me de bête berz û balakirin. Bi çavekî rexnegîrîyî berpirsiyar dê li tevaya Mêjûwa Partîya me bête temaşekirin û di nava Çarçopê Rûdanên Mêjûwê de dê lêbête nêrîn; jiber li Mêjûwê de her û her bi çavê dema rûdanên wê de lêtête nêrin û ew têtin nerxkirin; jiber Rastî her û her bi Cih û Demê ve tête girêdan. Heger weha li Mêjûwê de neyête nêrîn, ew xwe ji bingehe xweyî Zanistîyê dide rût û qûtkirin û ew di encamê dawî de bi çîrok û çîvanokan tête derkevtin û ew bi wan tête veguhertin. Weha bi vî rengî Mebesta Mêjûwê ji bona liberketina Mêjê û têgihiştina Niha û Pêşpîniya Ayinde tête tar û markirin.

Ji nûve dê li tevaya Bername û Peyrewê me de bête lênerîn û lêkolandin. Dê ew ji nûve li ser mercên Zanistî de li ser bingehe qazanc û Berjewendîya Kurd û Kurdistanî bêtin danîn. Bi dûr û dirêjî wê dê li ser Abûrîya Welatê me bête axivtin; jiber man û nema vê Dewleta meyî Fêderalîyî–Hêvgirtî li ser çarekirina vê pîrsa Abûrî de tête girêdan û avakirin.

Di vî Kongirê me de careke din dê lidûçûna Partî li ser Rêbazê Berzanîyê nemir de bête bicîh û warkirin; jiber ev Rêbazê hanê tevaya Xebata Welatê me di seranserî Mêjûwa me de dide gewdekirin û tevaya dilsozî û Welatperwerîya me ji bona Azadî, Serxwebûn û Bextiyarîya Welat û Miletê me dide derxistin.

Dr. M. S. Cuma

Pîrozbayî ji bona Damezrandina Partîya Demokratî Kurdistan

Di 16 Awgosta Sala 1946 de li Paytextê Komara Mehebadê de Partîya Demokratî Kurdistanê Iraqê di bin Serokîtîya Berzanî de li ser bingehê bilindî Zanistîyê de û li ser rewş û zînetê Kurdistanê de hate danîn. Partî di Bername û Peyrewa xwe de li ser Sê bingehan de: 1. Çarekirina Pirsîyarîya Milî di Mafeyê Çarenûsa Netewê Kurd de, 2. Çarekirina Pirsîyarîya Civakî di Kurdistan de û 3. Demokratîkirina Civak û Xebata Kurdistanê de hate avakirin.

Bi vî rengî qonaxeneke nuh, pir giring û xwînavî, lêbelê bi Hêvî di Mêjûwa Xebata meyî Siyasî de hate destpêkirin: ku bi kurttirîn Dem û kêmtirîn Gorî bi Rizgarkirin û Serxwebûna Kurdistanê xweyî perest bêtin gihastin. Partîya me tevaya Xebat û Serpêhatîyên Netewê Kurdî Perçekirî ji bona Serxwebûnê û Pêkanîna Dewleteke Milîyî Serbixwe di Rojhilata Navîn de date gewdekirin.

Partîya me bi lez û bez di nava Kurdistanê de ji xwe re Bere date sitandin. Bi Hezaran Sed-hezaran ji Kec û Lawên Kurdistanê xwe li dora Ala Partîya me de di bin Rêberîya Qeh-remanê Berzanî de datin civandin û Şiyarbûna Milî li seranserî Kurdistanê de date berz û balakirin. Wê bi Hezaran Keç û Lawên xwe ji bo Serwxebûn û Rûmeta Welêt date gorîkirin

Partîya me bi neçarî ji bona man û nemana xwe di bin Rêberîya Berzanîyê nemir de Şûreşa Ilola pîroz di Sala 1961 de date lidarxistin û Xebata xwe bi Peymana 11 Avdara Sala 1970 de date bi tac û xelatkirin. Ew careke din neçar bû, ke ew ji nûve Şûreşa Gulana pîroz bide vêxistin. Piştî Xebateke xwînavî bi Çekên Kîmyawî û Biyolocî ji bal Dewleta Navînîyî Iraqê ve ji bona talankirina Dewlemendîya Welatê me û qirkirina Miletê me ji ser rûwê zemînê Partîya me bi mêrxasî û gernasî li ser Rêbazê Berzanî de û di bin Rêberîya Mesûdê Berzanîyî xweşevist de ligel Partîyên Berê Neştîmanîyî Kurdistanê de Miletê me bi Sê Bidestkevtinên Giring, giran û bi kêr di Kurdistanê Jêrîn de: 1. Helbijartina Demokrasî, 2. Pêkanîna Desthilatîya Milî û Dazanîna Dewleta Fêderalî-Hevgirtî date xelatkirin.

Di vê Salê de di roja Zayîna Partîya me de Kongirê Yazdehemînî Partîya me li Kurdistanê Azad de tête girtin. Qonaxenek nuh, geş, bi hêvî û bextiyar di jîna Xebata Netewê me de tête destpêkirin. Dema Koletîyê û Bendîtîyê di nava Kurdistanê me de hate letletkirin.

Di vê roja Zayîna Partîya meyî pîroz de li Bajarê Mehebadê de Serokê Partîya meyî xweşevist Mesûd Berzanî jî hate Dunyayê. Ev lihevastina hanê nebes tenê ji bora Partîya me herwehaji ji bona tevaya Xebata Miletê me li sernaserî Kurdistanê de ji bona Serxwebûnê bi bixtiyarî tête dîtin. Mesûd Berzanî bi nerimbûn, welatperwer û dûrbûna Siyaseta xwe tevaya Yekîtîya Miletê me di Kurdistanê Jêrîn dayite ragirtin, ku man û nema Dewleta meyî Federalîyî-Hevgirtîyî perest li ser vê Yekîtîya Miletê me de di Kurdistanê Jêrîn de tête rawestandin.

Em ji dil û can Partîya xwe û herwehaji Serokê xweyî xweşevist Mesûd Berzanî û Kongirê xweyî Yazdehemîn didin pîrozkirin.

Rêzlêgirtin û Sertewandin ji bona hemû Gorîvanên Serxwebûna Kurdistanê!
Herbijî Partîya Demokratî Kurdistan, Partîya Berzanî, Partîya Rûmeta me!
Berlin, di 16. Awgosta Sala 1993 de